

tura aequabili sunt, sapore amaro, manducata adstringentia, salivam flavo colore inficientia.

Dextrinum.

Dextrin.

Pulvis e subflavo albus, odore peculiari et debili, sapore subduli et mucilaginoso; cum aequo pondere Aequae tritus mucilaginem spissiusculam et paene limpidam praebet. Servetur loco sicco.

Elaeosacchara.

(N. 54).

Oliesukkere.

R. Sacchari albi partes quadraginta novem, 49
 Aetherolei partem unam 1.
 In pulverem conterantur.
 Sint odoris Aetherolei adhibiti.

Electuarium e Senna mannatum.

Electuarium aperiens D. 50.

(N. 54).

Afførende Latværges.

R. Tartratis kalici partes tres, 3
 Foliorum Sennae pulveratorum partes sex, 6
 Pulpae Tamarindi partes duodecim, 12
 Syrupi Sennae mannati partes viginti quattuor; 24
 misceantur, deinde, leni calore adhibito, evaporentur,
 donec remaneant
 partes quadraginta 40
 et refrigerentur.
 In vase probe clauso loco frigido servetur.

Emplastra.

Nisi alia parandi ratio praescripta est, haec observanda sunt: In Emplastris parandis diligenter providendum est, ne major calor adhibeatur, quam qui necessario requiratur. Substantiae volatiles non ante addendae sunt, quam massa ad 50°—70° refrigerata est. Emplastra massam homogineam exhibeant; odorem rancidum ne spargant. Serventur ab humore, luce, calore quam maxime remota. Si Emplastra juxta Oxydum calcicum servare libet, arca metallica operculo perforato instructa et tertia ex parte Oxydo calcico repleta in receptaculo Emplastrorum collocanda est; Oxydum tertia vel quarta quaque hebdomade cum recenti portione permutare necesse est.

Emplastrum adhaesivum.

Emplastrum adhaesivum album (loco Emplastri adhaesivi svecici) D. 50.

(Emplastrum adhaesivum Sv. 45. N. 54).

Hefte-Plaster.

℞. Emplastri Oxydi plumbici partes quattuor, 4
 Resinae Pini flavae partem unam; 1
 liqvefiant et inter perpetuam agitationem calefiant, donec spuma consumpta sit, et massa tanquam Oleum tranquille fluat. Massa deniqve coletur et ex ea magdalides formentur.
 Sit colore subfusco.

Emplastrum Cantharidum.

Emplastrum Cantharidum ordinarium, Emplastrum vesicatorium ordinarium D. 50.

(Emplastrum Cantharidum Sv. 45. Emplastrum Cantharidum ordinarium N. 54).

Spanskflue-Plaster.

℞. Cerae flavae partes decem, 10
 Balsami Terebinthinae communis partes tres, 3

qvibus liqvefactis et paullum refrigeratis admisceatur mixtura, per sex horas antea digesta, e

Cantharidum nuper grosse pulveratarum partibus sex 6
et Olei Olivarum partibus tribus 3
parata. Massa inter agitationem saepe repetitam satis refrigera-
rata, Oleo Olivarum adhibito, in magdalides formetur et super
Oxydum calcicum potissimum servetur.

Sit molle, colore obscure viridi, particulis viridibus et
nitentibus inspersis.

Emplastrum Cantharidum cum Euphorbio.

*Emplastrum Cantharidum perpetuum, Emplastrum vesicatorium
perpetuum D. 50.*

*(Emplastrum Cantharidum cum Euphorbio Sv. 45. Emplastrum Cantharidum
perpetuum N. 54).*

Langsomt trækkende Spanskflue-Plaster.

℞. Balsami Terebinthinae communis, 6
Resinae Mastiches pulveratae, singulorum partes sex; 6
liqvefiant et inter perpetuam agitationem admisceantur
Cantharidum nuper pulveratarum partes duae, 2
Euphorbii pulverati pars una 1.

Massa in capsulas papyraceas effundatur aut in bacilla
rotunda convolvatur.

Sit durum et fragile, colore e subviridi nigro, particulis
viridibus inspersis.

Emplastrum citrinum.

(Emplastrum resinosum N. 54).

Citron-Plaster.

℞. Resinae Pini flavae partes sex, 6
Cerae flavae partes qvattuor, 4

Sevi ovilli partes duas,.....	2
liqvefiant; deniqve cum	
Balsami Terebinthinae communis parte una	1
liqvefiant. Massa colata in capsulas papyraceas effundatur.	
Sit colore flavo.	

Emplastrum Conii.

Emplastrum Conii maculati, Emplastrum Cicutae D. 50.

(Emplastrum Foliorum Conii N. 54).

Skarntyde-Plaster.

℞. Resinae Colophonii grosse pulveratae partem unam,..	1
Cerae flavae partes duas,	2
Olei Olivarum partem unam,	1
liqvefiant et colentur. Massae paullum refrigeratae sed adhuc 60° vel 70° calidae admisceantur	

Herbae Conii pulveratae bene siccatae partes duae.. 2.
Massa agitetur, donec Emplastrum obriguerit, et, Oleo Olivarum adhibito, in magdalides formetur. Servetur eodem modo, qvo Emplastrum Cantharidum.

Sit colore e cano viridi.

Emplastrum Galbani crocatum.

Emplastrum de Galbano crocatum D. 50.

(Emplastrum Gummi-resinae Galbani crocatum N. 54).

Safranholdigt Galbanum-Plaster.

℞. Emplastri Oxydi plumbici,	12
Emplastri Meliloti, singulorum partes duodecim,....	12
Cerae flavae partes octo,	8
liqvefiant. Massae nonnihil refrigeratae inter assiduam agitationem admisceantur	
Gummi-resinae Galbani pulveratae partes viginti	
qvattuor,	24

antea in

Balsami Terebinthinae venetae partibus quattuor, . . . 4
leni calore adhibito, extinctae. Mixturae paene refrigeratae
admisceantur

Stigmatum Croci pulveratorum partes tres 3
cum Spiritu concentrato in pulvem contritae. Massa agitetur,
donec Emplastrum obriguerit. Emplastrum, Oleo Olivarum
adhibito, in magdalides formetur eodemque modo, quo Empla-
strum Cantharidum, servetur.

Sit colore e flavo fusco; inter digitos facillime mollescat.

Emplastrum gummi-resinosum.

Emplastrum gummosum D. 50.

(Emplastrum gummi-resinosum Sv. 45. N. 54).

Gummi-Plaster.

℞. Emplastri Oxydi plumbici partes duodecim, 12

Cerae flavae partes duas, 2

liqvefiant et, addita copia sufficienti

Orleanae in Spiritu concentrato bene tritae,

colore e rubro flavo tingantur. Massa leniter calefiat, donec
Spiritus aufugerit, deinde nonnihil refrigerata inter assi-
duam agitationem commisceatur cum

Gummi-resinae Ammoniaci pulverati 1

Gummi-resinae Galbani pulverati, singulorum parte
una, 1

antea, leni calore adhibito, in

Balsami Terebinthinae venetae parte una 1
extincta. Emplastrum, ubi satis obriguit, in magdalides for-
metur.

Sit lentum et colore e rubro flavo.

Emplastrum Hydrargyri.

Emplastrum mercuriale D. 50.

(Emplastrum Hydrargyri Sv. 45. N. 54).

Merkurial-Plaster.

R̄. Hydrargyri partes quattuor,..... 4
assidue conterantur cum

Balsami Terebinthinae communis partibus duabus,.. 2
addita

Aetherolei Terebinthinae crudi aliqua parte,
donec globuli Hydrargyri non amplius conspici possint.
Deinde inter assiduam agitationem mixtura fluida, non
nimis calida, parata ex

Emplastri Oxydi plumbici partibus undecim,..... 11

Cerae flavae partibus tribus 3
sensim admisceatur.

Massa, ubi satis obriguit, in magdalides formetur.

Sit colore cinereo et ponderosum. Globuli Hydrargyri in
Emplastro ne appareant.

Emplastrum Manus Dei.

Guds-Haands-Plaster.

R̄. Emplastri Oxydi plumbici partes centum quinqva-
ginta,..... 150
inter agitationem saepe repetitam cum

Aeruginis subtilissime pulveratae partibus quattuor 4
coqvantur, donec massa colorem e fusco rubrum induat;
tum statim liqvefiat cum

Cerae flavae partibus triginta duabus..... 32
et nonnihil refrigerata inter assiduam agitationem com-
misceatur cum

Gummi-resinae Galbani pulverati,..... 4

Gummi-resinae Ammoniaci pulverati,	4
Gummi-resinae Olibani pulverati,	
singulorum partibus quattuor;	4
Gummi-resinae Myrrhae pulveratae	1
Resinae Mastiches pulveratae, singulorum parte una	1.

Massa, ubi satis obriguit, in magdalides formetur.
 Sit colore e fusco rubro, postea exterior pars colorem subviridem induat.

Emplastrum Meliloti.

(*Emplastrum Herbae Melilotorum N. 54*).

Meloten-Plaster.

℞. Resinae Pini flavae partes duodeviginti,	18
Cerae flavae partes quindecim,	15
Sevi ovilli partes sex,	6
Olei Olivarum partes tres,	3

liqvescant. Deinde mixturae colatae addantur

Gummi-resinae Ammoniaci pulverati leni igne emol- liti partes duae,	2
--	---

quae primum cum parte massae Emplastri conterantur, deinde cum reliqua parte commisceantur. Massae probe refrigeratae admisceantur

Herbae Meliloti pulveratae bene siccatae partes novem 9.
 Emplastrum refrigeratum, Oleo Olivarum adhibito, in magdalides formetur et eodem modo, quo Emplastrum Cantharidum, servetur.

Sit colore e subflavo viridi.

Emplastrum Minii camphoratum.

(Ad modum Kjongii).

℞. Minii nuper per cribrum trajecti partes triginta duas, 32
 in vase amplo inter assiduam agitationem coquantur cum

Olei Olivarum partibus quinqvagina sex, 56
donec massa colorem obscure fuscum induat. Massae
paene refrigeratae admisceantur

Camphorae contusae partes quattuor, 4
antea in

Pyrolei Petrae parte una 1
contritae. Massa in capsulas papyraceas effundatur vel refri-
gerata in magdalides formetur et, charta cerata diligenter in-
voluta, servetur.

Sit molliusculum et colore e nigro fusco; postea exterior
pars colorem paullo clariorem induat.

Emplastrum Oxydi plumbici.

Emplastrum commune s. Lithargyri D. 50.

(Emplastrum plumbicum Sv. 45. N. 54).

Almindeligt Solverglod-Plaster.

R̄. Olei Olivarum partes novem, 9
in vase apto et peramplo ad 110° vel 112° calefiant,
deinde iis ab igne remotis sensim admisceantur

Oxydi plumbici subtilissime pulverati et nuper per
cribrum trajecti partes quinque, 5
et Aqvae communis calidae pars una 1.

Leni igne coqvantur, dum spathula lignea lente et assidue agi-
tentur, et parvae portiones Aqvae communis calidae subinde
addantur, donec Emplastrum factum sit. Inter totam opera-
tionem providendum est, ut parva copia Aqvae in massa sem-
per insit, neve Oxydum plumbicum ad fundum vasis adhae-
rescat. Massa per breve temporis spatium seposita, Emplastrum
ab Oxydo plumbico fortasse nondum soluto defundatur et re-
frigeratum in magdalides formetur.

Sit subalbum, lentum, tactu non ungvinosum; Oxydo
plumbico non soluto vacuum sit.

Emplastrum saponatum.

Sabe-Plaster.

- ℞. Emplastri Oxydi plumbici partes septuaginta duas, . 72
 leni calore inter agitationem liqvefiant, donec omnis Aqua,
 quæ fortasse inest, aufugerit; deinde cum
 Cerae flavæ partibus duodecim. 12
 liqvefiant; tum inter perpetuam agitationem sensim addantur
 Saponis albi oleacei pulverati partes octo 8.
 Massæ prope refrigeratæ inter assiduam agitationem addatur
 Camphoræ cum exigua Olei Olivarum quantitate
 contritæ pars una, 1
 quo factò, Emplastrum, ubi obriguit, in magdalides formetur,
 quæ, charta cerata diligenter involutæ, serventur.
 Sit molliusculum et colore e griseo flavo vel e griseo albo.

Emplastrum sticticum.

(N. 54).

Beg-Plaster.

- ℞. Resinæ Pini flavæ, 8
 Picis Pini, 8
 Cerae flavæ, singulorum partes octo, 8
 inter agitationem liqvefiant cum
 Sevi ovilli parte una 1.
 Massa colata in capsulas effundatur vel refrigerata in magda-
 lides formetur.
 Sit colore e fusco nigro.

Emulsio Amygdalarum.

(Loco Emulsionis communis).

(*Emulsio amygdalina Sv. 45. Emulsio amygdalarum dulcium N. 54.*)

Almindelig Emulsion, Mandel-Emulsion.

R. Amygdalarum dulcium cortice denudatarum partes duas;.....	2
cum Aqva communi in massam mollem et pultaceam pri- mum contundantur, deinde tanta copia Aqvae communis sensim admisceatur, ut colatura sit	
partium quattuordecim;.....	14
in quibus	
Sacchari albi pars una.....	1
solvatur.	
Paretur ex tempore.	

Euphorbium.

(*Sv. 45. Resina Euphorbiarum N. 54.*)

Euphorbium.

Euphorbia officinarum L. et aliae species affines.

Frusta sordide subflava, saepe perforata, figura varia, ciceris vel avellanae magnitudine, in frigore fragilia, odoris expertia, pulverata sternutamentum vehementissimum excitantia. In Aqva pro minima parte solvuntur, in Spiritu et Aethere ex parte solvuntur. Frusta ramulorum fructuumque saepe admixta diligentissime secernantur.

Extracta.

In Extractis parandis haec observanda sunt, nisi alia parandi ratio praescripta est:

Aqva communis ad extrahendum adhibenda Calce substantiisque organicis quam maxime vacet. Maceratio calorem 15°—20°, digestio calorem 35°—40° requirit. Sive macera-

tione sive digestionem Extractum paratur, massa aliquoties in die probe quassanda vel agitanda est.

Majorem partem Spiritus ad extrahendum adhibiti ante evaporationem, leni calore adhibito, destillatione detrahere licet. Evaporatio fiat sine ulla intermissione et inter agitationem perpetuam. Quamdiu liquor pertenuis est, evaporatio fieri potest super ignem carbonarium lenem et apertum, deinde in balneo aquae vel vaporis fiat, calore nunquam 90° excedente, postea autem, si ad siccitatem evaporatur, nunquam 50° excedente. Extractum consistentiae ordinariae ea sit crassitudine, ut in temperatura media in fila diduci possit, e vase effundi non possit. Extracta substantias, e quibus parata sunt, redoleant et respiciant, odore empyreumatico metallisque alienis vacent.

Pharmacopolis parvas copias Extractorum narcoticorum siccorum in promptu habere licet, quae hac ratione conficiantur:

Extracti uni parti 1
sensim addatur

Radice Glycyrrhizae echinatae subtilissime pulveratae
pars una, 1.

In mortario porcellaneo calefacto misceantur; mixtura continenter agitata, calore circiter 50° adhibito, siccetur, donec pondus ejus non amplius diminuatur, deinde massae adhuc calidae tantum

Radice Glycyrrhizae echinatae subtilissime pulveratae
probe admisceatur, ut totum

partes duas 2
efficiat.

Hujus Extracti sicci ad pulveres mixtos dispensetur copia duplo major, quam quae Extracti consistentiae ordinariae a medico praescripta sit.

Serventur Extracta loco sicco, non nimis calido in vasis porcellaneis vel vitreis vel murrhinis, antea siccatis; vasa claudenda sunt, ubi primum Extractum frigidum est. Extracta

tenuia vel Extracta pulverata et sicca in vasis firmis obturamentisqve subereis clausis potissimum servanda sunt.

Extractum Absinthii.

(Sv. 45. *Extractum Herbae Absynthii N. 54*).

Malurt-Extrakt.

℞. Herbae Absinthii minutim concisae q. v.
Affundatur

Aqvae communis bullientis q. s.
ut massa pultacea efficiatur. Haec massa per horas viginti
qvattuor loco frigido seponatur et saepe agitetur, quo facto
liqvor prelo exprimatur et seponatur.

Parti residuae iterum affundatur

Aqvae communis bullientis q. s.
ut massa pultacea formetur, qvae massa eadem ratione, quam
supra commemoravimus, per duodecim horas seposita, prelo
exprimatur. Liqvores expressi colligantur et loco frigido se-
ponantur, ut turbantes partes subsidant, deinde decantentur et
colentur, tum ad dimidiam sui voluminis partem evaporentur;
jam per aliquot horas sepositi et decantati, ut limpidi sint,
ad ordinariam Extracti consistentiam evaporentur.

Sit e fusco nigrum, Aqva addita solutionem limpidam et
e subviridi fuscam praebeat.

Extractum Aconiti.

Stormhat-Extrakt.

℞. Herbae Aconiti minutim concisae partem unam 1.
Digeratur per triduum

Spiritus concentrati partibus qvattuor 4.

Liqvor refrigeratus prelo exprimatur, seponatur, ut partes
turbantes subsidant, filtretur. Residuum per biduum mix-
tura, ex

Spiritus diluti..... 3
 et Aqvae communis, singulorum partibus tribus 3
 parata, digeratur, et liqvor eadem ratione tractetur. Liqvores
 filtrati colligantur et calore lenissimo ad ordinariam Extracti
 consistentiam evaporentur.

Sit colore e subviridi nigro. Aqva addita liqvorem e
 subviridi fuscum et subturbidum praebeat.

Extractum Aloes.

Aloe-Extrakt.

R. Aloes pulveratae partem unam,..... 1
 cui affundantur

Aqvae destillatae partes quattuor 4.

Haec mixtura inter perpetuam agitationem ebulliat, deinde
 calida coletur et per noctem loco frigido seponatur. Liqvor
 sedimento jam secreto innatans decantetur, tum ad consisten-
 tiam Extracti evaporetur et tenuiter stratus exsiccetur, donec
 massa in pulverem siccum conteri possit.

Sit colore fusco, pulveratum colore e flavo fusco; Aqva
 addita solutionem turbidam praebeat.

Extractum Belladonnae.

Belladonnablade-Extrakt.

R. Foliorum Belladonnae minutim concisorum partem
 unam 1.

Digeratur per triduum

Spiritus diluti partibus quattuor 4.

Liqvor refrigeratus prelo exprimatur, seponatur, ut partes
 turbantes subsident, filtretur. Residuum per biduum mix-
 tura, ex

Spiritus diluti..... 3

et Aqvae communis, singulorum partibus tribus 3
parata, digeratur, et liqvor eadem ratione tractetur. Liqvores
filtrati colligantur et calore lenissimo ad ordinariam Extracti
consistentiam evaporentur.

Sit colore e subviridi nigro. Aqva addita liqvorem e
subviridi fuscum et subturbidum praebeat.

Extractum Calabar.

Kalabar-Extrakt.

℞. Seminis Calabar pulverati partes decem 10.
Digerantur per tres dies mixtura, e

Spiritus concentrati partibus triginta 30
et Aqvae destillatae partibus tribus 3
parata; qvo facto, liqvor refrigeratus prelo exprimatur, sepo-
natur, ut turbantes partes subsidant, filtretur.

Residuum iterum per biduum aeqva parte ejusdem mix-
turae digeratur, deinde prelo exprimatur, seponatur, filtretur.
Liqvores filtrati colligantur et ad ordinariam Extracti con-
sistentiam evaporentur.

Sit colore fusco. Sepositum parvam copiam Olei sub-
viridis facile secernit; eam ob causam ante dispensationem
agitandum est.

Aqva addita mixturam turbidam et Emulsionis similem
praebeat; Spiritus additus solutionem limpida[m] praebeat.

Extractum Chamomillae.

(Sv. 45).

Kamille-Extrakt.

Paretur e

Floribus Chamomillae vulgaris minutim concisis
eadem ratione, qva Extractum Absinthii.

Sit colore e subviridi fusco. Aqva addita solutionem paene
limpida[m] et e flavo fuscam praebeat.

Extractum Chinae Calisayae.

Extractum Chinae spirituosum D. 50.

(Extractum Corticis Cinchonae regii N. 54).

Konge-China-Extrakt.

℞. Corticis Chinae Calisayae grosse pulverati et pulvere
subtili liberati partem unam 1.

Digeratur per triduum

Spiritus diluti partibus quattuor, 4

quae massa refrigerata prelo exprimatur. Residuum,

Spiritus diluti partibus duabus 2

additis, eadem ratione tractetur, quo facto, liqvores expressi colligantur, seponantur, ut turbantes partes subsidant, filtrentur; jam ad ordinariam Extracti consistentiam evaporentur et tenuiter strati exsiccantur, donec Extractum in pulverem siccum conteri possit.

Sit colore e subrubro fusco. Aqva addita liqvorem e flavo fuscum et turbidum praebeat.

Nota. Tres partes hujus Extracti respondent circiter quatuor partibus Extracti Chinae spirituosi, Ph. Dan. 1850.

Extractum Colocyntidis.

Extractum Colocyntidum D. 50.

Koloqvint-Extrakt.

Paretur e

Fructu Colocyntidis Seminibus liberato et minutim
conciso

eadem ratione, qua Extractum Belladonnae. Ad ordinariam Extracti consistentiam evaporatum tenuiter stratum exsiccetur, donec massa in pulverem conteri possit.

Sit colore e flavo fusco. Aqva addita liqvorem turbidum et e subflavo fuscum praebeat.

Nota. Tres partes respondent circiter quattuor partibus ejusdem Extracti, Ph. Dan. 1850.

Extractum Conii.

Extractum Conii maculati D. 50.

(*Extractum Herbae Conii N. 54*).

Skarntyde-Extrakt.

Paretur ex

Herba Conii minutim concisa

eadem ratione, qva Extractum Belladonnae.

Sit colore e subviridi nigro. Aqva addita liqvozem e subviridi fuscum et subturbidum praebeat.

Extractum Cubebae.

(Loco Extracti Cubebae aetherei. Ph. D. 50).

Kubebe-Extrakt.

℞. Fructus Cubebae grosse pulverati partem unam 1.

Digeratur per triduum

Spiritus concentrati partibus quattuor, 4

qvi liqvor refrigeratus prelo exprimatur, seponatur, ut turbantes partes subsidant, filtretur. Residuum,

Spiritus concentrati partibus quattuor 4

additis, eadem ratione tractetur. Liqvores filtrati colligantur et calore lenissimo ad consistentiam mellis recentis evaporentur. Sit colore e subviridi fusco. In Aqva dispensari non potest.

Nota. Ante dispensationem agitandum est.

Extractum Gentianae.

(*Se. 45. Extractum Radicis Gentianae N. 54*).

Enzian-Extrakt.

Paretur e

Radice Gentianae grosse pulverata

eadem ratione, qva Extractum Absinthii, sed Aqva communis frigida pro Aqva communi bullienti adhibeatur.

Sit colore obscure fusco. Aqva addita solutionem e subrubro fuscam et limpidam praebeat.

Extractum Glycyrrhizae.

Succus Glycyrrhizae depuratus, Extractum Liqvirittiae D. 50.

Lakrits-Extrakt.

℞. Extracti Glycyrrhizae crudi; q. v.
per strata, stramine vel viminibus potissimum interjectis, loco frigido in apto vase, laxo operculo tecto, deponatur tantaque copia

Aqvae communis

perfundatur, ut obtegatur. Frigida maceratione per triduum facta, liqvor defundatur vel detrahatur. Residuum cum recenti copia

Aqvae communis

eadem ratione maceretur, donec Aqva omnia, qvae solvi possint, receperit. Liqvores defusi colligantur, seponantur, ut turbantes partes subsident, decantentur, colentur, ad ordinariam Extracti consistentiam evaporentur.

Sit colore e nigro fusco. Aqva addita solutionem e subnigro fuscam et limpidam praebeat.

Extractum Glycyrrhizae compositum

Succus Glycyrrhizae compositus D. 50.

Engelsk Lakrits.

℞. Extracti Glycyrrhizae partes duas, 2
Gummi arabici partem unam, 1.
Solvantur in

Aqvae communis q. s.

Solutio seponatur, ut turbantes partes subsident, deinde decan-

tetur et coletur, tum ad eam crassitudinem evaporetur, ut in bacilla tenuia et cylindrica formari possit. In Aqva solvatur, nullo fere sedimento relicto.

Extractum Glycyrrhizae crudum.

Succus Liqviritaie s. Glycyrrhizae D. 50.

(Sv. 45).

Lakrits.

E Radice Glycyrrhizae glabrae L. et G. echinatae L.

Baculi subcylindrici quindecim fere centimetra longi, centimetra duo et dimidium fere crassi, e fusco nigri, nitentes, in frigore fragiles, fractura nigra et nitenti, officinae signo instructi; sapore dulci, non empyreumatico, fauces leviter radenti; cum Aqva macerati solutionem limpidam praebeant et residuum formam succi adhibiti exhibens relinquant.

Optimum e Calabria exportatur.

Extractum Graminis.

Græsrod-Extrakt.

℞. Rhizomatis Graminis recentis concisi partes duas . . . 2

Contundantur, dum

Aqvae communis partes tres 3

sensim addantur. Mixtura per duodecim horas loco frigido seposita prelo exprimatur et ad 90°—100° calefiat, donec albumen coagulatum sit; tum colata ad ordinariam Extracti consistentiam evaporetur.

Sit colore e rubro fusco. Aqva addita solutionem paene limpidam praebeat.

Nota. Si

Extractum Graminis liquidum,

Mellago Graminis D. 50.

(*Extractum Stolonum Triticum N. 54.*)

Tynd Græsrod-Extrakt

postulatum erit, mixtura dispensetur, ex

<i>Extracti Graminis partibus tribus</i>	3
<i>et Aqvae communis parte una</i>	1

parata, qvae per aliquod tempus seposita limpide defusa sit.

Extractum Hyoscyami.

(*Extractum Hyoscyami spirituosum Sv. 45*).

Bulmeblade-Extrakt.

Paretur e

Foliis Hyoscyami minutim concisis
eadem ratione, qva Extractum Belladonnae.

Sit colore e subviridi nigro. Aqva addita liqvorem e subviridi fuscum et subturbidum praebeat.

Extractum Menyanthis.

Extractum Trifolii fibrini D. 50.

(*Extractum Trifolii aqvatici Sv. 45. Extractum Foliorum Menyanthis N. 54*).

Bukkeblade-Extrakt.

Paretur e

Foliis Menyanthis minutim concisis
eadem ratione, qva Extractum Absinthii.

Sit colore e fusco nigro. Aqva addita solutionem e subviridi fuscam et limpidam praebeat.

Extractum Mezerei.

(*Sv. 45*).

Kjældershals-Extrakt.

℞. Corticis Mezerei minutim concisi partem unam;..... 1
eam parva copia Spiritus concentrati madefactam et in mortario contusam, donec massa sit lanæ condensatae similis, per triduum

Spiritus concentrati partibus quattuor 4
digere; liqvorem refrigeratum prelo probe exprime. Residuum,

Spiritus concentrati partibus tribus 3
 additis, eadem ratione tractetur; quo facto, liqvores expressi
 colligantur, seponantur, ut partes turbantes subsidant, filtrentur,
 ad ordinariam Extracti consistentiam evaporentur.

Sit subviride. In Aqva dissolvi non potest.

Extractum Nucis vomicae.

Extractum Nucum vomicarum D. 50.

Rœvekage-Extrakt.

℞. Seminis Nucis vomicae grosse pulverati partes duas. 2.
 Calore 50°—60° adhibito, per biduum digerantur

Spiritus diluti partibus quattuor 4.

Liqvor refrigeratus prelo exprimatur, seponatur, ut turban-
 tes partes subsidant, filtretur. Residuum,

Spiritus diluti partibus tribus 3

additis, eadem ratione tractetur; quo facto, liqvores filtrati
 colligantur et ad ordinariam Extracti consistentiam evaporentur;
 jam tenuiter strati exsiccentur, donec massa in pulverem sic-
 cum conteri possit.

Sit colore fusco. Aqva addita liqvorem turbidum praebeat.

Extractum Pomi ferratum.

Extractum Ferri pomatum D. 50.

(*Extractum Pomorum ferratum Sv. 45. N. 54.*)

Æblesurt Jern-Extrakt.

℞. Ferri in filis minutis partem unam, 1

Fructus aciduli Pyri Mali cortice denudati et in pul-
 tem mollem contusi partes decem; 10

digere saepe agitando Aqvamqve exhalatam restituendo per
 aliquot dies, aut donec Ferrum non jam solvi videatur;
 deinde per quinque vel sex horas calori 60°—70° expone.

Massa 5
 Aqvae destillatae partibus quinque 5
 probe mixta prelo exprimatur. Liqvor loco frigido seponatur,
 ut partes turbantes subsident, deinde limpide decantatus coletur
 et ad ordinariam Extracti consistentiam evaporetur.

Sit colore e subviridi nigro. Aqva addita solutionem
 paene limpidam praebeat.

Extractum Qvassiae.

(*Extractum Ligni Qvassiae N. 54*).

Qvassie-Extrakt.

℞. Ligni Qvassiae minutim concisi partem unam; 1
 affundantur

Aqvae communis bullientis partes quattuor; 4
 digerantur per biduum, deinde liqvor prelo exprimatur.
 Residuum,

Aqvae communis bullientis partibus tribus 3
 additis, eadem ratione tractetur et prelo exprimatur. Liqvores
 expressi colligantur, seponantur, ut turbantes partes subsident,
 decantentur, colentur, ad ordinariam Extracti consistentiam
 evaporentur.

Sit colore fusco. Aqva addita solutionem subturbidam
 praebeat.

Nota. Ante dispensationem agitandum est.

Extractum Ratanhiaae.

(*Extractum Radicis Krameriae N. 54*).

Ratanhie-Extrakt.

Paretur e

Radice Ratanhiaae minutim concisa
 eadem ratione, qua Extractum Gentianae, sed per temporis
 spatium altero tanto majus maceretur. Extractum tenuiter
 stratum exsiccet, donec in pulverem siccum conteri possit.

Sit splendens, colore e nigro rufo. Aqua addita solutionem turbidam praebeat.

Nota. Tres partes hujus Extracti respondent circiter quattuor partibus ejusdem Extracti Ph. Dan. 1850.

Extractum Rhei.

Extractum Rhabarbari D. 50.

(*Extractum Rhei Sv. 45. Extractum Radicis Rheorum N. 54.*)

Rhabarber-Extrakt.

℞. Radicis Rhei in taleolas minutas concisae partem unam; 1
per horas viginti quattuor cum

Aqvae destillatae partibus quinque 5
maceretur, sine expressione coletur, filtretur. Liquor filtratus statim ad consistentiam Syrupi evaporetur.

Interea Radix extracta cum

Aqvae destillatae partibus tribus 3
per horas duodecim maceretur, quo facto, liquor prelo exprimitur, seponatur, ut turbantes partes subsident, filtretur, ad consistentiam Syrupi evaporetur. Liquores colligantur, ad ordinariam Extracti consistentiam evaporentur, tenuiter strati exsiccantur, donec massa in pulverem siccum conteri possit.

Sit nitidum, colore e nigro rubro. Aqua addita solutionem e flavo fuscam et subturbidam praebeat.

Extractum Rhei jalapinum.

Extractum Rhei compositum D. 50.

(*Massa Pilularum Radicis Rheorum compositarum N. 54.*)

Rhabarber-Extrakt med Jalape.

℞. Extracti Aloes partes quinque 5

Extracti Rhei partes sedecim 16.

Leni calore solvantur in

Aqvae destillatae partibus viginti una 21
et misceantur

Massae Pilularum Resinae Jalapae partibus octo, . . . 8
 in Spiritus diluti partibus sedecim 16
 solutis.

Tota massa continenter agitata leni calore ad
 partes triginta duas 32
 evaporetur et in vase probe clauso servetur.

Sit colore e nigro fusco. Aqva addita solutionem sub-
 turbidam praebeat.

Extractum Secalis cornuti.

Meldroie-Extrakt.

R̄. Secalis cornuti nuper pulverati partem unam, 1
 maceretur per duodecim horas loco frigido cum

Aqvae destillatae partibus tribus, 3
 deinde liqvor prelo exprimatur. Residuum,

Aqvae destillatae partibus tribus 3
 additis, eadem ratione tractetur, deinde prelo exprimatur. Li-
 quores expressi colligantur et per aliquot horas seponantur, ut
 turbantes partes subsident, deinde colentur, quo facto, statim,
 calore lenissimo adhibito, ad syrapi consistentiam evaporentur;
 refrigerati cum

Spiritus diluti parte una 1
 convassentur et per diem loco frigido seponantur; jam filtren-
 tur et, calore lenissimo adhibito, ad ordinariam Extracti con-
 sistentiam evaporentur.

Sit colore e subrubro fusco. Et in Aqva et in Spiritu
 solutiones limpidas praebeat.

*Nota. Duae partes respondent circiter tribus partibus ejus-
 dem Extracti Ph. Dan. 1850.*

Extractum Stramonii.

Pigeebleblade-Extrakt.

Paretur e

Foliis Stramonii minutim concisis

eadem ratione, qva Extractum Belladonnae.

Sit colore e subviridi nigro. Aqva addita liqvorem e subviridi fuscum et subturbidum praebat.

Extractum Taraxaci.

(Sv. 45).

Løvetand-Extrakt.

Paretur e

Radice Taraxaci cum Herba recenti contusa

eadem ratione, qva Extractum Graminis.

Sit colore e nigro fusco. Aqva addita solutionem obscure fuscam et paene limpidam praebat.

Nota. Si

Extractum Taraxaci liquidum,

(*Extractum Radicis et Herbae Taraxaci N. 54.*)

Tynd Løvetand-Extrakt

postulatum erit, ex Extracto Taraxaci eadem ratione paretur, qva Extractum Graminis liquidum.

Farina Hordei praeparata.

(Sv. 45).

Bryst-Mel.

Cylindrus e laminis ferreis stanno obductis confectus Farina Seminis Hordei distichi et H. hexastichi valde compressa ita compleatur, ut duae partes cylindri repletae sint, atqve ita claudatur, ut Aqva in cylindrum penetrare non possit. Tum cylindrus suspendatur in aheno destillatorio, cujus duae partes Aqva compleantur, et, alembico adaptato, Aqva quattuordecim fere horas bulliat. Massa farinacea refrigerata, stratum superius pulvereum auferatur, sed reliqua pars in pulverem redigatur, deinde siccetur et in vase clauso loco sicco servetur.

Sit pulvis e rubello subflavus, sapore subdulci et valde mucilaginoso, odore panis simili.
